

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏՆՏԵՍԱԿԱՆ ԶԱՐԳԱՑՄԱՆ ԵՎ ՆԵՐԴՐՈՒՄՆԵՐԻ ՆԱԽԱՐԱՐՈՒԹՅԱՆ
ԶԲՈՍԱՇՐՋՈՒԹՅԱՆ ՊԵՏԱԿԱՆ ԿՈՄԻՏԵ
Մ Ր Ց ՈՒ Յ Թ

ՀՀ տնտեսական զարգացման և ներդրումների նախարարության Զբոսաշրջության պետական կոմիտեն հայտարարում է կազմակերպությունների ընտրության մրցույթ հետևյալ ծրագրային միջոցառումների իրականացումն ապահովելու նպատակով.

1. **Զբոսաշրջության միջազգային օրվան նվիրված** տոնակատարության կազմակերպում,
2. **«Ճանաչողական այցերի կազմակերպում» և «Միջազգային համագործակցություն»** միջոցառումների շրջանակներում նպատակային շուկաներից լրագրողների, զբոսաշրջության ոլորտի մասնագետների Հայաստան ճանաչողական այցերի և պաշտոնական պատվիրակությունների և մասնագետների փոխայցելությունների կազմակերպական ապահովում, այդ թվում՝ տրանսպորտային, հյուրանոցային, սննդի կազմակերպման, հուշանվերների ձեռքբերման ծառայություններով ապահովում:

Մրցույթին հրավիրվում են մասնակցելու իրավաբանական անձի կարգավիճակ ունեցող կազմակերպություններ:

Մրցույթի պայմանները սահմանված են մրցույթի հրավերում:

Մրցույթի հրավեր ստանալու, ինչպես նաև հայտ կազմելու և ներկայացնելու պայմաններին ծանոթանալու համար դիմել ՀՀ տնտեսական զարգացման և ներդրումների նախարարության Զբոսաշրջության պետական կոմիտեի հետևյալ հասցեով.

ք. Երևան, Մհեր Մկրտչյան 5, 6-րդ հարկ, 607 սենյակ,

մրցույթային հանձնաժողովի քարտուղար Ս. Ասլիզադյանին, հեռ. (011) 597 - 156;

Մրցույթի հրավերը տեղադրված է նաև www.mineconomy.am և www.azdarar.am

Էլ. կայքերում՝

Հայտերը ներկայացնել մինչև 2017 թվականի մայիսի 3-ը ժամը 13-00:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ԶԱՐԳԱՅՄԱՆ և
ՆԵՐԴՐՈՒՄՆԵՐԻ ՆԱԽԱՐԱՐՈՒԹՅԱՆ ԶԲՈՍԱՇՐՋՈՒԹՅԱՆ ՊԵՏԱԿԱՆ ԿՈՄԻՏԵԻ

Հ Ր Ա Վ Ե Ր

ՀՀ ՏՆՏԵՍԱԿԱՆ ԶԱՐԳԱՅՄԱՆ և ՆԵՐԴՐՈՒՄՆԵՐԻ ՆԱԽԱՐԱՐՈՒԹՅԱՆ
ԶԲՈՍԱՇՐՋՈՒԹՅԱՆ ՊԵՏԱԿԱՆ ԿՈՄԻՏԵԻ ՆԱԽԱԳԱՀԻ 2017 ԹՎԱԿԱՆԻ
ՀՈՒՆՎԱՐԻ 30-Ի «ԶԲՈՍԱՇՐՋՈՒԹՅԱՆ ԶԱՐԳԱՅՄԱՆ 2017 ԹՎԱԿԱՆԻ ԾՐԱԳԻՐԸ
ՀԱՍՏԱՏԵԼՈՒ ՄԱՍԻՆ» N56-Ա ՀՐԱՄԱՆԻ N2 ՀԱՎԵԼՎԱԾԻ 3.3., 3.4.1, 4.6. և 6.1.-րդ
ԵՆԹԱԿԵՏԵՐՈՎ

ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ԻՐԱԿԱՆԱՅՄԱՆ ՀԱՄԱՐ

ԿԱԶՄԱԿԵՐՊՈՒԹՅՈՒՆՆԵՐԻ ԸՆՏՐՈՒԹՅԱՆ

ՄՐՑՈՒՅԹԻ

1. Սույն մրցույթի հրավերը տրամադրվում է ի լրումն մրցույթի մասին «Հայաստանի Հանրապետության» թերթի 2017 թ. մարտի 30 թիվ 56 (6577) համարում տպագրված հայտարարության:
2. Կազմակերպությունը, որին հատկացվում է դրամաշնորհ, որոշվում է ՀՀ կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների եվ դրամաշնորհների հատկացման կարգը հաստատելու մասին» N1937-Ն որոշման համաձայն կազմակերպվող և անցկացվող մրցույթի արդյունքներով:
3. Սույն մրցույթն անցկացվում է ՀՀ տնտեսական զարգացման և ներդրումների նախարարության Զբոսաշրջության պետական կոմիտեի նախագահի 2017 թվականի հունվարի 30-ի «Զբոսաշրջության զարգացման 2017 թվականի ծրագիրը հաստատելու մասին» N56-Ա հրամանի N2 հավելվածի 3.3, 3.4.1, 4.6. և 6.1 ենթակետերով նախատեսված հետևյալ միջոցառումների իրականացման համար կազմակերպությունների ընտրության նպատակով
 - 1) Հրամանի N2 հավելվածի Զբոսաշրջության միջազգային օրվան նվիրված տոնակատարության կազմակերպում
 - 2) Հրամանի N2 հավելվածի «Ճանաչողական այցերի կազմակերպում» և «Միջազգային համագործակցություն» միջոցառումների շրջանակներում նպատակային շուկաներից լրագրողների, զբոսաշրջության ոլորտի մասնագետների Հայաստան ճանաչողական այցերի և պաշտոնական պատվիրակությունների և մասնագետների փոխայցելությունների կազմակերպական ապահովում, այդ թվում՝ տրանսպորտային, հյուրանոցային, սննդի կազմակերպման, հուշանվերների ձեռքբերման ծառայություններով ապահովում

4. Մրցույթին մասնակցության հայտ կարելի է ներկայացնել ինչպես մեկ, այնպես էլ մի քանի միջոցառումների իրականացման համար:
5. Մրցույթում հաղթող է ճանաչվում այն մասնակիցը, որը մրցութային հանձնաժողովի կողմից ստանում է առավելագույն գնահատականը:
6. Մրցույթին մասնակցելու համար ներկայացվում է հավելված 1-ով սահմանված ձևի հայտ:
7. Հայտին կից ներկայացվում է
 - 7.1. սույն հրավերի 3-րդ կետի 1-ին ենթակետով նախատեսված միջոցառման համար մանրամասն նկարագրված ծրագիր, որն առնվազն ներառում է
 - 1) հանդիսություն պետական և մասնավոր հատվածի առնվազն 250 ներկայացուցիչների մասնակցությամբ,
 - 2) հանդիսության ընթացքում մշակութային միջոցառումների կազմակերպում
 - 3) հյուրասիրություն:
 - 7.2. հայտատու կազմակերպության իրավասու մարմնի որոշումը մրցույթին սույն հրավերով նախատեսված պայմաններով մասնակցելու վերաբերյալ,
 - 7.3. նմանատիպ միջոցառում իրականացնելու՝ հայտատու կազմակերպության փորձի նկարագրություն,
 - 7.4. միջոցառման իրականացման գնային առաջարկ՝ որը պետք է ներառի տեղեկատվություն սույն հրավերի 3-րդ կետի 1-ին ենթակետով նախատեսված դեպքում իրականացվող միջոցառումների անվանումների, քանակների, գների և դրանց համար նախատեսվող ծախսերի (առկայության դեպքում նաև համաֆինանսավորման), իսկ 2-րդ կետով նախատեսված դեպքում նաև ծառայությունների գների վերաբերյալ:
8. Բացի սույն հրավերի 6-րդ կետով նախատեսված փաստաթղթերի հայտատուն իր հայեցողությամբ կարող է ներկայացնել այլ փաստաթղթեր, նյութեր այդ թվում նաև տեղեկատվություն համաֆինանսավորման հնարավորության վերաբերյալ:
9. Գնահատումն իրականացվում է Հրավերի հավելված 2-ով նախատեսված գնահատման կարգին և չափանիշներին համապատասխան:
10. Մրցույթում հաղթող ճանաչված հայտատուի ներկայացրած միջոցառման իրականացման ծրագիրն ու նախահաշիվը ներառվում են նրա հետ կնքվող պայմանագրում:
11. Հայտը ներկայացվում է հայերեն լեզվով՝ սուսնձված, կնքված (կնիք ունենալու դեպքում) և ստորագրված ծրարով: Ծրարում ներառված փաստաթղթերը պետք է կազմված լինեն բնօրինակից և թվով վեց կրկնօրինակներից, որոնց վրա համապատասխանաբար գրվում են «բնօրինակ» և «կրկնօրինակ» բառերը:
12. Հայտը ներկայացվում է ՀՀ էկոնոմիկայի նախարարություն հետևյալ հասցեով. ք. Երևան, Մհեր Մկրտչյան 5, 6-րդ հարկ, 601 սենյակ, ՀՀ տնտեսական զարգացման և ներդրումների նախարարության առաջին բաժին՝ մինչև 2017թ. մայիսի 3 -ը, ժամը 13-00:
13. Հայտատուին տրվում է հայտն ընդունելու մասին տեղեկանք հայտը ընդունելու և գրանցելու հետ միաժամանակ:
14. Հանձնաժողովի գործունեությունն իրականացվում է նիստերի միջոցով, կոլեգիալության սկզբունքով: Հանձնաժողովի նիստն իրավազոր է, եթե դրան

մասնակցում է հանձնաժողովի անդամների առնվազն երկու երրորդը, և հանձնաժողովի որոշումը համարվում է ընդունված, եթե դրա օգտին քվեարկել է նիստին ներկա անդամների կեսից ավելին: Հանձնաժողովի յուրաքանչյուր անդամ ունի մեկ ձայնի իրավունք, քվեարկում է կողմ կամ դեմ: Ձայների հավասարության դեպքում հանձնաժողովի նախագահի, իսկ նրա բացակայության դեպքում նիստը նախագահողի (այսուհետ՝ նիստը վարող) ձայնը վճռորոշ է:

15. Հանձնաժողովի նիստերն արձանագրվում են, և յուրաքանչյուր նիստի արդյունքում հանձնաժողովը հաստատում է այդ նիստի արձանագրությունը: Արձանագրությունը պետք է պարունակի նաև տեղեկություններ հաջորդ նիստի անցկացման օրվա, ժամի և վայրի մասին:
16. Հայտատուները՝ մրցույթի մասնակիցները կարող են մրցույթի հրավերի վերաբերյալ պարզաբանումներ ստանալ մրցութային հանձնաժողովի քարտուղարից: Գրավոր հարցմանը գրավոր պարզաբանում կտրվի հարցումը մուտքագրվելու օրվանից 5 աշխատանքային օրվա ընթացքում:
17. Հանձնաժողովի որոշմամբ մրցույթի հրավերում կարող են կատարվել փոփոխություններ, որոնք չեն կարող հանգեցնել մրցույթի հրավերի էական պայմանների փոփոխմանը:
18. Մրցույթի հրավերում փոփոխություն կատարվելու դեպքում հայտեր ներկայացնելու ժամկետի ավարտը հաշվվում է այդ փոփոխությունների մասին մամուլում հրապարակվելու օրվանից:
19. Սույն հրավերի համաձայն մրցույթի հրավերում փոփոխություն կատարվելու դեպքում ՀՀ տնտեսական զարգացման և ներդրումների նախարարության Զբոսաշրջության պետական կոմիտեն չի կրում մրցույթի հրավերում փոփոխություն կատարվելու հանգամանքով պայմանավորված մասնակցի կողմից կրած վնասի ռիսկը:
20. Սույն հրավերի պայմանների խախտմամբ ներկայացված հայտերը մերժվում են և վերադարձվում դրանք ներկայացնողներին:
21. Մասնակիցը մինչև հայտերը ներկայացնելու վերջնական ժամկետի ավարտն իրավունք ունի փոխելու կամ հետ վերցնելու իր հայտը: Հայտը փոփոխվում է սույն հրավերով հայտ ներկայացնելու համար սահմանված կարգով՝ ծրարի վրա ավելացնելով «փոփոխում» բառը:
22. Հայտերը բացվելու են ս.թ մայիսի 4-ին, ժամը 15-00-ին մրցութային հանձնաժողովի հայտերի բացման նիստում:
23. Ներկայացված հայտերի բովանդակությանը ծանոթանալու ընթացքում հանձնաժողովն իրավունք ունի առաջարկել մրցույթի մասնակցին ներկայացնել լրացուցիչ տեղեկություններ՝ առավել ամբողջական կարծիքի ձևավորման նպատակով:
24. Մասնակիցը կարող է ներկա գտնվել հանձնաժողովի հայտերի բացման նիստում:
25. Հայտերի բացման նիստում
 - 1) Հանձնաժողովի նախագահը, իսկ նրա բացակայության դեպքում նիստը նախագահողը հայտարարում է նիստը բացված,
 - 2) Հանձնաժողովի քարտուղարը՝

- ա. տեղեկատվություն է ներկայացնում հայտերի մասին,
- բ. բացում է հայտերի ծրարները և դրանց լրակազմը ստուգելուց հետո ծրարում ներկայացված փաստաթղթերի մեկական օրինակ հանձնում Հանձնաժողովի անդամներին, նախագահողին է փոխանցում մրցույթի մասին հայտերը,
- գ. հանձնաժողովի անդամներին է տրամադրում ՀՀ տնտեսական զարգացման և ներդրումների նախարարության կնիքով կնքված հայտերի գնահատման թերթիկների երկուական օրինակ՝ հայտերի բացման նիստի ավարտից հետո:

- 26. Հայտերի բացման նիստին չներկայացած հանձնաժողովի անդամներին հանձնաժողովի քարտուղարը գնահատման թերթիկների երկուական օրինակը տրամադրում է հայտերի բացման նիստի օրվան հաջորդող աշխատանքային օրվա ընթացքում:
- 27. Հանձնաժողովի անդամները սույն հրավերով սահմանված կարգով գնահատում են մրցույթի մասին հայտերը և գնահատման թերթիկներում համապատասխան նշումներ կատարելու միջոցով հայտերի վերաբերյալ եզրակացություն են տալիս ու հայտերի բացման նիստում որոշված ժամկետում գնահատման թերթիկների մեկական ստորագրված օրինակները փոխանցում են քարտուղարին:
- 28. Մրցույթի արդյունքներն ամփոփվում են հանձնաժողովի ամփոփիչ նիստում՝ հանձնաժողովի անդամների կողմից ներկայացված գնահատման թերթիկների հիման վրա:
- 29. Հանձնաժողովն ընդունում է որոշում մրցույթին մասնակցած այն կազմակերպության (կազմակերպությունների) ցանկը հաստատելու մասին, որի հետ կարող է կնքվել դրամաշնորհի տրամադրման պայմանագիր և այն կազմակերպության (կազմակերպությունների) մասին, որի հետ չի կարող կնքվել նման պայմանագիր:
- 30. Պայմանագրի նախագիծը ներկայացված է հավելված 3-ում:
- 31. Մրցույթը չկայացած է հայտարարվում, եթե ոչ մի հայտ չի ներկայացվել, հայտերից ոչ մեկը չի համապատասխանում հրավերի պայմաններին, կամ ՀՀ տնտեսական զարգացման և ներդրումների նախարարության Զբոսաշրջության պետական կոմիտեի նախագահը չի հաստատում հանձնաժողովի որոշումը:
 - 32. Սույն կետով նախատեսված դեպքում առաջարկվում է սահմանված կարգով հայտարարել նոր մրցույթ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ԶԱՐԳԱՅՄԱՆ և
ՆԵՐԴՐՈՒՄՆԵՐԻ ՆԱԽԱՐԱՐՈՒԹՅԱՆ ԶԲՈՍԱՇՐՋՈՒԹՅԱՆ ՊԵՏԱԿԱՆ ԿՈՄԻՏԵ
Հ Ա Յ Տ

ՀՀ տնտեսական զարգացման և ներդրումների նախարարության Զբոսաշրջության
պետական կոմիտեի նախագահի 2017 թվականի հունվարի 30-ի N 56-Ա հրամանով
հաստատված «Զբոսաշրջության զարգացման 2017 թվականի ծրագրի շրջանակներում
հայտարարված

մրցույթի հրավերում նախատեսված

_____ միջոցառման իրականացման համար
(միջոցառման անվանում)
կազմակերպության ընտրության մրցույթին մասնակցության

Հայտատու կազմակերպության անվանումը _____

Հասցե _____

Հեռախոս _____

Էլ. հասցե _____

Պետական գրանցման համարը _____

Կից ներկայացվող փաստաթղթերը _____

Էջերի ընդհանուր քանակը _____

Հայտի ներկայացման ամսաթիվը _____ / _____ 2017 թ.

Կազմակերպության ղեկավարի ստորագրությունը _____

Կ.Տ.
(Կնիքի առկայության դեպքում)

ՀԱՅՏԻ ԳՆԱՀԱՏՄԱՆ ԿԱՐԳ

«Զբոսաշրջության զարգացման 2017 թվականի ծրագիրը հաստատելու մասին» ՀՀ տնտեսական զարգացման և ներդրումների նախարարության Զբոսաշրջության պետական կոմիտեի նախագահի 2017 թվականի հունվարի 30-ի N56-Ա հրամանի N2 հավելվածի 3.3.2, 3.4.1, 4.6.րդ. և 6.1-րդ. ենթակետերով նախատեսված միջոցառումների իրականացման համար կազմակերպության ընտրության մրցույթին ներկայացրած հայտերի գնահատումը կատարվում է ըստ հետևյալ չափանիշների՝

1) **Հրավերի 3-րդ կետի 1-ին ենթակետով նախատեսված միջոցառման համար**

Հ/Հ	ԳՆԱՀԱՏՄԱՆ ՉԱՓԱՆԻՇՆԵՐԸ	ԱՌԱՎԵԼԱԳՈՒՅՆ ԳՆԱՀԱՏԱԿԱՆԸ	ՆՎԱԶԱԳՈՒՅՆ ԳՆԱՀԱՏԱԿԱՆԸ
1.	Ծրագրի բովանդակությունը և նպատակաուղղվածությունը	25	15
2.	Ծրագրի արդյունավետությունը	25	15
3.	Ծրագրի մանրամասն նկարագրված լինելը	25	15
4.	Գնային առաջարկ	25	15
5.	Համագործակցություն և համաֆինանսավորում	25	15
6.	Նմանատիպ միջոցառումների իրականացման փորձ	25	15

2)

3)

4) **Հրավերի 3-րդ կետի 2-րդ ենթակետով նախատեսված միջոցառման համար**

Հ/Հ	ԳՆԱՀԱՏՄԱՆ ՉԱՓԱՆԻՇՆԵՐԸ	ԱՌԱՎԵԼԱԳՈՒՅՆ ԳՆԱՀԱՏԱԿԱՆԸ	ՆՎԱԶԱԳՈՒՅՆ ԳՆԱՀԱՏԱԿԱՆԸ
1.	Ծառայությունների գինը	25	15
2.	Ծառայությունների որակը	25	15
3.	Նմանատիպ ծառայությունների մատուցման փորձ	25	15

2. Ծրագրի շրջանակներում պայմանագիր կարող է կնքվել այն կազմակերպության հետ, որը գնահատման որևէ չափանիշով գնահատմանը մասնակցած հանձնաժողովի անդամների ընդհանուր նվազագույն գնահատականից ցածր գնահատական չի ստացել, և որի հայտի ընդհանուր գնահատականը առավելագույնն է մյուս հայտերի ընդհանուր գնահատականների համեմատությամբ:

ՊԱՅՄԱՆԱԳԻՐ N
 դրամաշնորհի տրամադրման
 (օրինակելի ձև)

ք. Երևան

----- 2017թ.

Հայաստանի Հանրապետության տնտեսական զարգացման և ներդրումների նախարարության զբոսաշրջության պետական կոմիտեն (այսուհետ՝ Պետական մարմին), ի դեմս կոմիտեի նախագահ Զարմինե Զեյթունցյանի, որը գործում է պետական մարմնի կանոնադրության հիման վրա, մի կողմից, և ----- (այսուհետ՝ կազմակերպություն), ի դեմս -----ի, որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), համաձայն «Հայաստանի Հանրապետության 2017 թվականի պետական բյուջեի մասին» 2016 թվականի դեկտեմբերի 8-ի ՀՕ-209-Ն ՀՀ օրենքի, ՀՀ կառավարության 2016 թվականի հոկտեմբերի 18-ի N 1060-Ա որոշմամբ հաստատված և ՀՀ Ազգային ժողովի 2016 թվականի հոկտեմբերի 21-ի ԱԺՈ-243-Ն որոշմամբ հավանության արժանացած ՀՀ կառավարության ծրագրի, Հայաստանի Հանրապետության կառավարության 2016 թվականի դեկտեմբերի 29-ի «Հայաստանի Հանրապետության 2016 թվականի պետական բյուջեի կատարումն ապահովող միջոցառումների մասին» N 1313-Ն որոշման, Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների և դրամաշնորհների հատկացման կարգը հաստատելու մասին» N 1937-Ն որոշման, Հայաստանի Հանրապետության տնտեսական զարգացման և ներդրումների նախարարության զբոսաշրջության պետական կոմիտեի նախագահի 2017 թվականի հունվարի 30-ի N56-Ա հրամանով (այսուհետ՝ Հրաման) հաստատված զբոսաշրջության զարգացման 2017թ. ծրագրի N2 հավելվածի 3.3., 3.4.1, 4.6. և 6.1. կետերով նախատեսված միջոցառումների (այսուհետ՝ Ծրագիր) իրականացումն ապահովելու նպատակով՝ կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով պետական մարմինը պարտավորվում է Ծրագրի իրականացման նպատակով ՀՀ պետական բյուջեից կազմակերպությանը հատկացնել մինչև ----- (-----) ՀՀ հազար դրամ գումար, Պայմանագրի 2.1.2. կետով սահմանված հաշվետվության և Հայաստանի Հանրապետության տնտեսական զարգացման և ներդրումների նախարարության զբոսաշրջության պետական կոմիտեի նախագահի հրամանով ստեղծված Ծրագրով նախատեսված աշխատանքների ընդունման հանձնաժողովի (այսուհետ՝ Հանձնաժողով) արձանագրության հիման վրա, իսկ կազմակերպությունը պարտավորվում է Ծրագիրն իրականացնել Պայմանագրին համապատասխան:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) և ծախսերի նախահաշիվը ներկայացված են

համապատասխանաբար պայմանագրի N1 և N2 հավելվածներում (հավելվածները կձևավորվեն հաշվի առնելով հայտատուի ներկայացված ծրագիրը և գնային առաջարկը):

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. կազմակերպությունից պահանջել ծրագրով նախատեսված միջոցառումները կատարել սույն պայմանագրի 6-րդ կետում նշված ժամկետներում.

2.1.2. կազմակերպությունից պահանջել ծրագրով նախատեսված միջոցառումների կատարման համար Հայաստանի Հանրապետության պետական բյուջեից հատկացված ֆինանսական միջոցների նպատակային օգտագործման վերաբերյալ, Հայաստանի Հանրապետության ֆինանսների նախարարի 2015թ. ապրիլի 1-ի N176-Ն հրամանով հաստատված ձևերին համապատասխան.

2.1.3. ցանկացած ժամանակ (այդ թվում՝ լիազոր մարմնի միջոցով) ստուգել կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.4. որոշմամբ սահմանված պահանջներին չհամապատասխանելու դեպքում չընդունել իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել պայմանագրի 5-րդ կետով նախատեսված տուգանքը.

2.1.5. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում Ծրագրի իրականացումը, կամ Ծրագրի իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը խախտել է Ծրագրով նախատեսված առանձին միջոցառումների իրականացման ժամկետները,

գ. իրականացված միջոցառումները չեն համապատասխանում Ծրագրով սահմանված պահանջներին.

2.1.6. պայմանագիրն օրենքով կամ պայմանագրով նախատեսված հիմքերով լուծելու դեպքում պահանջել իրեն հանձնել անավարտ միջոցառումների արդյունքները,

2.1.7 Կազմակերպությանը տալ Ծրագրի իրականացման հետ կապված գրավոր հանձնարարականներ:

2.2. Կազմակերպությունն իրավունք ունի՝

2.2.1 Ծրագրով նախատեսված յուրաքանչյուր միջոցառման ավարտից հետո ներկայացնել հաշվետվություն.

2.2.2. իրականացված միջոցառման արդյունքը պետական մարմնի կողմից ընդունելու դեպքում պահանջել վճարել իրեն հասանելիք գումարը.

2.2.3. պետական մարմնի կողմից գումարները չվճարելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները:

2.3. Պետական մարմինը պարտավոր է՝

2.3.1. Ծրագրով նախատեսված դեպքերում աջակցել կազմակերպությանը.

2.3.2. կատարել Ծրագրի իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել Ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել դրանք ստանալու

օրվանից մինչև 20 աշխատանքային օրվա ընթացքում: Եթե ներկայացված հաշվետվությունների համաձայն իրականացված միջոցառումը համապատասխանում է Ծրագրի և պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել Ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում:

2.4.2. պայմանագրով նախատեսված ֆինանսական միջոցներն օգտագործել Ծրագրով և պայմանագրով սահմանված նպատակներով ու չափաքանակներով:

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները:

2.4.4. պայմանագրով սահմանված կարգով պետական մարմին ներկայացնել միջոցառումների իրականացման մասին հաշվետվություններ, իսկ Ծրագրի ավարտից հետո՝ ամփոփ հաշվետվություն:

2.4.5. պայմանագրի գործողության ընթացքում ապահովել Ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. Ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8. Ծրագիրն իրականացնել պայմանագրին և Կոմիտեի գրավոր հանձնարարականներին համապատասխան:

3. Մոնիթորինգը

3.1. Պետական մարմինը Ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է Ծրագրի շրջանակներում իրականացնել մոնիթորինգ՝ ուսումնասիրելով Ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Վճարման կարգը և ժամկետները

4. Կազմակերպությանը վճարումները կատարվում են պետական բյուջեով նախատեսված գումարների սահմաններում Կատարողի կողմից ներկայացվող աշխատանքների կամ ծառայությունների մատուցման հաշվետվության հիման վրա՝ 20 (քսան) աշխատանքային օրվա ընթացքում:

5. Կողմերի պատասխանատվությունը

5. Պայմանագրով և Ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

6. Պայմանագրի գործողության ժամկետը

6. Պայմանագիրն ուժի մեջ է մտնում կողմերի ստորագրման պահից, տարածվում է 2017 թվականի - _____ ծագած հարաբերությունների վրա և գործում է մինչև կողմերի ստանձնած պարտավորությունների՝ ամբողջ ծավալով կատարումը:

7. Վեճերի լուծման կարգը

7. Պայմանագրի կապակցությամբ Կողմերի միջև ծագած վեճերը լուծվում են բանակցությունների միջոցով, իսկ հակառակ դեպքում վեճերը լուծվում են Հայաստանի Հանրապետության օրենսդրությամբ սահմանված կարգով:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Հայաստանի Հանրապետության կառավարության կողմից հաստատված Ծրագիրը հանդիսանում է պայմանագրի անբաժանելի մասը:

9.2. Պայմանագիրը կազմված է սույն հիմնական տեքստից և N 1 ու N 2 հավելվածներից, որոնք կազմում են պայմանագրի անբաժանելի մասը:

9.3. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.4. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.5. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

Պատվիրատու

Կազմակերպություն

ՀՀ տնտեսական զարգացման և
ներդրումների նախարարության
Զբոսաշրջության պետական կոմիտե

Հասցե՝

0010 ք. Երևան, Մ. Մկրտչյանի 5
Կենտրոնական գանձապետական
գործառնական վարչություն

Հ/Հ

ՀՎՀՀ 02657891

ՀՀ տնտեսական զարգացման և
ներդրումների նախարարության
Զբոսաշրջության պետական կոմիտեի
նախագահ

ԶԱՐՄԻՆԵ ԶԵՅԹՈՒՆՑՅԱՆ

Կ.Տ.

Կ.Տ